

ادبیات کمونیستی

هفته‌ای سیاسی، علمی و ادبی غزته در

جلد : ۲

سنه : ۲ ۲۲ صفر ۱۳۳۶ جمعه ایرتسی ۸ کانون اول ۱۹۱۷ نومرو ۱۴ — ۴۵

اجمال افکار

[بولشویک افکار و عالم افکار ترتیب سرور و طبع یا کاشفکاری —

بایم، ایتک، ایتک مصدری .

روسیه ده عظیم و آلم بر اختلال و انقلاب اولور . بونی ساده‌جه بر « وقعه سیاسی » عد ایدنلر هر حالده یا کیلرلر . خایر ! [بولشویک] لرك خروج و عصیان منحصراً بر پولیتیکه جلوه‌سی، برفرقه‌نك دیکرینی بیقمه‌سی دکلدنر . بونك فکر و نظریه‌یه ده تعلقی وار . بو انقلابده ، واقعا ، طوغزیدن طوغری به سائق، حرب و آنك تولید ایتدیکی نوعانوع و کونا کون محرومیتلر، ضرورتلردنر . لکن برده طولایسیله ، بطی ، حتی تحت‌التراب سائق واردر که اوده ، الحق و لاشك ، روسیه‌ده بر عصردن بری حاصل و حادث اولان ذهنیت - دوقتور عبدها جودتک بولدینی کوزل بر کله موجبنجه - « قفا » در .

روسیه استبدادك اوز وطنی ایدی . دولت ، غیر طبیعی ، قرون وسطائی و آسیائی بر شکلده قورولشدی . ماهیتی فتح و استیلادن بشقه بر شی دکلدی . مجبوراتدن اولدینی اوزره بو ماهیتده اولان هیأتك حیاتی آنجق استیلالری ابله دائم و قائمدر . دور استیلا هر نه صورتله اولورسه اولسون - بر کره قاباندقدن صکره هنگام انحطاط یواش یواش ویا عجالتله باشلايه بیلیر . ایشته ، موسقوف دیارنده درشت ، خشین اداره اصوللری تطبیق ایتک لازم کلیردی که بو قوص قوجه « انیه‌زیئالیزم » باشایه بیلسون . بناء علیه استبداد و مطلقیت، بیوک برهنر و مهارتله روسیه‌ده تطبیق اولنیوردی . یالکیز بو استبداد هر وقت کیفی دکلدی . بعضاده عادل و عاقل شکلنی آلیوردی . ایشته ، بو اداره ، داخلده بر عکس‌العملی موجب اولدی . هر ستمیده‌نك، هر حراندیشك حسیاتی غلیانه کلنیوردی . فکرلر افراطه اوغرادی . الکفیزیل سوسیالیستلر، الک‌آرغین [آنارشیتلر]،

اك قورقوج [نیلیستلر] اوراده چیقدی. آنارشى نظریاتی دساتیردارجاع ایدن مشهور «پروپوتیکن» بر روس اصیلزاده سیدر. بنام ارباب قلمدن «تالستوی» بیله افکار جاریه ایله طبان طبانه ضد رأیلر بیلر غریب السیره، لکن ذکی الصوره بیوجک بر آدمدی.

بو ذهنیتک مولدی، القصه، محیط سیاسی واجتماعیدن بشقه برشی دکلدی.

اگر روس چاریزمی، انکاتره تاریخنه دها زیاده التفاتکار اولسه و، ملتك تکاملات معنویه و احتیاجات حاضره سنی دها ای آکلاسه، البته، قاعدۀ اطراحه elimination تبعیتله استبدادک ال غلیظ و خشین جهتلرینی یواش یواش سوکر، بونلری رفع وازاله و هیجانلره، ضربه لره میدان ویرمه دن استحاله یی اداره ایدردی. لکن زمامدار صنفک منافع مادیه سی غایت بیوکدی. بو منافع و اعتیاد استبداد برده، تکرارندن چکنمیه لم، بو آدملرک تاریخی هیچده بنمسه ملری ایشی بوزدی. روس - ژاپون محاربه سندن صکره فاجعۀ اختلالک برنجی پرده سی اوینانه بیلدی. آرده ده اون کسور سنه لک بر Entr, Acte اولدی. مکر ایلاک پرده بر مقدمه، بر کریزگاه ایش بر کره چاریزم خارجاً و حرباً مغلوب اولقی کر کش که مملکتده اصول اداره و طرز اجتماعی ده دکشسون! [بولشه ویق] لر فکرأ مفرط کیمسه لردر. لکن عنیف اولقله برابر عنیف و مستقیمدرلر. بونلرک بتون فکرلری بکنمیه یز، لکن، اجتماعلرینه رعایت اتمه مک ده آلیمزدن کلز. [بولشه ویق] لر - فکرأ - خدا عظمی پروغرام صاحبی سوسیالیست، اشتراک اموال و بلکه ده عیال طرفداری، فطرة صلحیوندن، نقد و حقوق تصرفیه نک جانبدارالقاسی، یالکیز رتبه و پایه لرده دکل، حتی معیشتده بیله مساواته میال آدملردر. وضعیت حاضره، عجباً بو افکارک حائر رواج اوله سنه امکان بخش میدر؟ الجواب لا ادزی.

[بولشه ویق] لر یالکیز استبدادی دکل، اساساتی انکیز عنعناتی و [مونه سکیئو] نک اجتماعاتی اولان اصول تمثیله یی ده زیرو زبر ایدوب طوغریدن طوغریه (حکومت اجتماعی) به کیدیورلر. و، بو پروژه لرینک تطبیقی ایچون، بتون روسلرک اداره سالفه دن بیفدقلری بر اشرف ساعتی انتخاب ایتدیلر که بو، طوغریسی بر شاه اثر هنر و سیاستدر. اوروپاده بر طاقم عامما - مثلاً، عثمانلی قارئلرنجه مجهول اولیان دو قنور [کوستاو لوبون] و موسیو [أمیل فاکه] - علماً، فنا، و بحق سوسیالیزمه سنک انداز تعریض اولمشلردی. بونلردن بشقه فرق مخالفه ارباب و ادبیاتی ده، سوسیالیزمی، اسکیدن بری خیرپالیور، آنک غیر قابل تطبیق اولدیغنی ادعا ایله، آله بر جیمیز، تناقضلرینی آریورلردی. عجباً، سوسیالیزم - و آنک بروجه افراطی اولان [ماقسیمالیزم]، حقیقه بویله سلمه السلام، جفا القلم قابل رد و مؤاخذه بر مسالک و مذهب، بر مشرب و مطلبمیدر؟ خایر! دها سوسیالیزمک نه اولدیغی - هولدر. ۳۶۵ درلو بلکه دها زیاده سوسیالیزم وار. بونک اعظمیسی، اصغریسی [روسیه ده «مینالیست» یا خود «مینشه ویق»] موجوددر. صکره بولتیقه جی سوسیالیزمی، فیلسوف سوسیالیزمی، شاعر سوسیالیزمی، انسانیت پرورلر سوسیالیزمی، عمله سوسیالیزمی، الخ کبی اقسامی مشاهده اولونیور. آلمانیا ده، [بیسمارک] زماننده کی «حکومت سوسیالیزمی» ایله، او مملکتده «خرستیان سوسیالیزمی» نی اونوتیمه لم. هنوز بومسالك تیلر و تقرر اتمه مشدر. کیم بیلیر، استقبالده، نصل بر شکل آله حق! ذاتاً بویله شمولی مسالکک تقریرینه ده امکان و توان یوقدر. کچن هر برکون، عقیده اساسیه بر یامه اورور. هیچ عقل و خیاله کله یز جریانلر اولور. بالاخره، مؤسسارک نقطه نظرندن کلیاً انحراف ایدیلرک شکل دکشیر. [بودیزم] بک اوزاقلرده اولقله برابر بو

ادعایك بارز و آموزشی بر دلیدر . دها یاقینلرده ده امثله تدارك اولونه بیلیر . خلاصه مقال : عالم افکارده ، ساحه اجتماعیات و اقتصادیاتده ، کره زمین تاریخك قید ایتدیکی الكیبوك انقلاب اولیور . ۱۷۸۹ ده فرانسه دن انتشار ایدن افکار و نظریات - حریت ، مساوات ، اخوت - فصل ، بطاينه ، لکن قطعیته ، ملل مختلفه طرفدن بالاخره تلقی بالقبول ایدیش ایسه ، نظریات اجتماعیه نك جمله سی دكل ، بعض اقسامی ده عینیه تعمیم ایتیه سی داخل دائرة امکاندر . اما ، بونلر طوغری می ، ومعقول و منطقی می ؟ اوراسی بسبتون بشقه برجهتدر . بعضاً منطقی و معقولك قابلیت تطبیقیه سی و قدرت ساریه سی یوقدرده غیر منطقی و معقولك بویه خصائلی وارددر .

هر حالده ، بو کونکی روس تشوشات سیاسییه سنك آلتنده تحدث ایدن بوجدی تحولات فکریه بی ، بردقت متبصرانه ایله تعقیب ایتك مقتضیدر .

صلوحی زاده

ترتیب مهرلری و طبع یا کماله قلمری — مکتب جوجقلمری ایچون یازیش کتابلرده اویله ترتیب و املا خطالرینه تصادف ایدیورز که صورمه یکز ! درس کتابلرنده مندرج سهو اوزرینه ، بتون مدت عمرنده ، بر کله بی یا کلهش استعمال ایدن کیسه لره تصادف اولونیور . بیلیم نه دندیر ؟ بزده شیمه دفتك نقصانندی ، بشقه اسباب طولانیسیله می ، یوقسه کتاب تصنیفی علمنی بیلمدیکمزدن می . مملکت مزده بر مصحح صنعتی دیکیش طوتدیره مدیفندن می ؟ بویه بلایای ادبیه به گرفتار اولقده یز . عجباً ، مملکت مزده ، شیمدی به قدر سهودن عاری بر جلد انتشار ایتشمی ؟ واقعا اوروپاده ده طابعلر خطا ایدیورلر ، اما ، غربده خطا « عارضی » ، طوغری ایسه « اصل » در ؛ بزده ده وضعیت و کیفیت معکوسدر .

صکره . . . کتابلر دیکلمیور . « بروشاژ » ك نه اولدینی بزجه مجهولدر . جلدلر طاغیلیور . هیچ بر اثر ماده پایدار اوله میور . حالبوکه بر انگیز ، بر آمریقان کتابی تجلید ایدله دن اصلا ساحه انتشاره قونمیور . بو خصوصده آنخلو - صاقسونلر لاتینلردن و فرانسزلردن پك ایلریدرلر . آلمانلرده ، بو صوک زمانلرده ، پك کوزل کتابلر و رساله لر طبع و تجلیدینه موفق اولیورلر .

واقعا حرب حالده ، درلو درلو محرومیتلر ایچنده ، بزده طباعت صنعتنده تکامل بکلمك زائد ایسه ده ، بوندن اولده ، بو خصوصده هیچ بر ترقی کوسترمیوردق . ابوالضیا توفیق بك صرحوم - آما تورجه اولقی اوزره - بر درجه به قدر تکمله دقت ایدیوردی . تأسف اولونور که استادك اثرینی تعقیب ایدن اولدی .

مطبوعاتده کی عدم تقیدمن و بالخاصه ارباب قلمك فصاحتہ رعایتکار اوله ملری سجه مزده کی عدم تقیدك بر دلیدر . بو درده چاره ساز اولقلغمز لازمدر .

یاممور ، ایتك ، ایتك مهملرلری . — لسان ، حال حاضرده تکامل ایتدیکی کی فصاحتندن ده چیقیور . بوجهتی ، رفقا آره سنده ، کای آکلایان و بناءً علیه رها کار بر عکس العمل وجوده کتیرمك ایسته ین سلیمان نظیف بك افندیدر . اوت ! فرانسزجه Faire ، انگلیزجه make آمانجه Tun مصدرینك مقابلی اولقی اوزره ، هله بو کونلرده ، بی پروا ، بلا تدقیقات « یامق »